

Öise Lade 6-2010, p. 62

Las davosas giadas hai jau sperà che nus vegnian champions mundials u forsa almain europeics sut la bachetta da Köbi. Nagut èsi stà. Ussa forsa cun Ottmar? Ils 11 da fanadur a Johannesburg. En il Soccer



City stadion. Köbi avess tenor mai instalà in pitschen grill da campadi amez il stadion dal final en Germania sche la Svizra fiss daventada champion mundial dal 2006. Ed el vess grillà ina servula. Ma tge faschess Ottmar suenter la victoria da la Svizra a Johannesburg? In pau quint en furma dad algoritems? El sco matematicer diplomà. Ma quai avess el già fatg avant. Pertge che in algoritem è ina sistematica definida per schliar in problem e quel problem fiss en quest cas stà la missiun da batter ina squadra dal caliber da la Brasilia, l'Italia u la Spagna en il final dal championadi mundial da ballapè. Sche Hitzfeld chattass quest algoritem fiss el quasi in Dieu. E perquai è el ina persuna memia svizra u tudestga. Dieu na deriva betg da Lörrach. Basta. Talas ponderaziuns pon ins insumma mo far avant il championadi mundial da ballapè. Spranzas svizras. Siemis ch'i pudess ir co cun ils heroxs giuvens. Ma lura datti puspè in gieu nua che ils svizzers giogan bain e perdan tuttina. E chau. Lura faschain nus puspè vinavant festa dal championadi mundial da ballapè – cun T-shirts oranschs u da color azzurra per exempel.




David Spinnler